



Broj/Број: 01/2a-50-1-2-45/09  
Sarajevo/Сарајево, 11.6.2009.godine

**ZAPISNIK**  
**45. sjednice Komisije za vanjske poslove**  
**Predstavničkog doma Parlamentarne skupštine BiH,**  
**održane 9.6. 2009.**

Sjednica Komisije počela je u 12 sati. Sjednici su prisustvovali članovi Komisije: Slavko Matić, Milica Marković, Milorad Živković, Husein Nanić, Sadik Ahmetović, Denis Bećirović i Sefer Halilović.

Osim članova Komisije, sjednici su prisustvovali: Zoran Perković iz Ministarstva vanjskih poslova BiH, Nenad Klačar i Midhat Salić iz Ministarstva vanjske trgovine i ekonomskih odnosa BiH, Lemana Vranić iz Ministarstva finansija i trezora BiH i Ermin Pešto iz Ministarstva sigurnosti BiH.

Zapisnik su vodili Merdžana Iglica, sekretar Komisije za vanjske poslove, i Miroslav Stanišić, stručni saradnik u Komisiji za vanjske poslove.

Za 45. sjednicu Komisije za vanjske poslove jednoglasno je usvojen sljedeći

**DNEVNI RED**

1. Usvajanje Zapisnika 44. sjednice Komisije;
2. Davanje mišljenja o saglasnosti za ratificiranje:
  - a) Sporazuma o ekonomskoj saradnji između Vijeća ministara BiH i Vlade Republike Srbije (resorno ministarstvo: Ministarstvo vanjske trgovine i ekonomskih odnosa BiH);
  - b) Amandmana na Konvenciju o osnivanju Vijeća za carinsku saradnju (resorno ministarstvo: Ministarstvo vanjske trgovine i ekonomskih odnosa BiH);
  - c) Aneksa II. Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini (resorno ministarstvo: Ministarstvo finansija i trezora BiH);
  - d) Evropske konvencije o obavještenjima o stranom pravu s Dodatnim protokolom (resorno ministarstvo: Ministarstvo pravde BiH);
  - e) Dodatnog protokola uz Krivičnopravnu konvenciju protiv korupcije (ETS 191) – Strazbur 15. 5. 2003. (resorno ministarstvo: Ministarstvo pravde BiH);
  - f) Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala (resorno ministarstvo: Ministarstvo sigurnosti BiH);
  - g) Protokola između Ministarstva sigurnosti BiH i Ministarstva unutrašnjih poslova Republike Srbije o provođenju zajedničkih patrola uz zajedničku državnu granicu (resorno ministarstvo: Ministarstvo sigurnosti BiH);
  - h) Protokola između Ministarstva sigurnosti BiH i Ministarstva unutrašnjih poslova Republike Srbije o održavanju redovnih sastanaka predstavnika graničnih policija na

državnom, regionalnom i lokalnom nivou (resorno ministarstvo: Ministarstvo sigurnosti BiH);

- i) Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima (resorno ministarstvo: Ministarstvo sigurnosti BiH);

### 3. Izvještaji i materijali pristigli na Komisiju:

- Zabilješka sa sastanka Komisije za vanjske poslove Predstavničkog doma PSBiH i članova delegacije PSBiH pri Vijeću Evrope sa Zdenkom Martinovićem, novoimenovanim ambasadorom i šefom Misije u Vijeću Evrope u Strazburu, održanog 13. 5. 2009.;
- Rezolucija o evropskoj savjesti i totalitarizmu (materijal MVP-a, za informaciju);
- Izvještaj o učešću delegacije Parlamentarne skupštine BiH na proslavi 60. godišnjice NATO-a;
- Konferencija zemalja članica – potpisnica Jadranske povelje (materijal MVP-a, za informaciju);
- Prijedlog stalne delegacije Parlamentarne skupštine BiH u Parlamentarnoj skupštini Mediterana – za informaciju;
- Izvještaj o posjeti delegacije Parlamentarne skupštine BiH Parlamentu Islamske Republike Iran;
- Izvještaj s drugog dijela redovnog zasjedanja Parlamentarne skupštine Vijeća Evrope za 2009. godinu, Strazbur, od 27.4. do 30. 4. 2009.;
- Izvještaj sa VII. konferencije predsjednika parlamenata učesnika Jadransko-jonske inicijative, održane u Atini, od 3.5. do 5. 5. 2009.

### 4. Tekuća pitanja.

#### **Ad.1. Usvajanje Zapisnika 44. sjednice Komisije**

Nije bilo primjedbi i članovi Komisije jednoglasno su usvojili Zapisnik 44. sjednice Komisije za vanjske poslove.

#### **Ad. 2. a) Davanje mišljenja o saglasnosti za ratificiranje Sporazuma o ekonomskoj saradnji između Vijeća ministara BiH i Vlade Republike Srbije**

Midhat Salić iz Ministarstva vanjske trgovine i ekonomskih odnosa BiH kazao je da je ovo jedan u nizu ovakvih sporazuma. Razlozi za njegovo zaključivanje su pravno reguliranje, intenziviranje i jačanje ekonomskih odnosa i saradnje u oblasti ekonomije na principima ravnopravnosti i uzajamne koristi između potpisnica sporazuma saglasno principima Svjetske trgovinske organizacije. Sporazum je usaglašen s odredbama međunarodnog ugovornog prava i principima Svjetske trgovinske organizacije i prošao je svu proceduru zaključivanja međunarodnih ugovora.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

**Ad. 2. b) Davanje mišljenja o saglasnosti za ratificiranje Amandmana na Konvenciju o osnivanju Vijeća za carinsku saradnju**

Nenad Klačar iz Ministarstva vanjske trgovine i ekonomskih odnosa BiH kazao je da je Vijeće za carinsku saradnju osnovano 1952. godine. Bosna i Hercegovina je 2008. godine završila proces pristupanja Svjetskoj carinskoj organizaciji što je neformalni naziv za ovo vijeće. U međuvremenu su tadašnje članice usvojile amandman čija je suština da se omogući i carinskim unijama članstvo i pristupanje Svjetskoj carinskoj organizaciji. Tako je 27 članica Evropske unije prenijelo svoju carinsku politiku na nivo Unije pa je iz pragmatičnih razloga usvojen ovaj amandman s ciljem da i Evropska unija bude jedna od članica Svjetske carinske organizacije. Prihvatanje amandmana ne zahtijeva dodatna finansijska sredstva ni izmjenu postojećeg zakonodavstva, a pristupanjem BiH Evropskoj uniji carinska politika bit će prenesena na EU.

Nije bilo rasprave. Članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog amandmana.

**Ad. 2. c) Davanje mišljenja o saglasnosti za ratificiranje Aneksa II. Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini**

Lemana Vranić iz Ministarstva finansija i trezora BiH kazala je da su sredstva iz ovog granta Kraljevine Norveške obuhvaćena Aneksom II. koja su predmet ratificiranja i namijenjena su za veoma važne projekte u pravosuđu Bosne i Hercegovine i njima se žele pospješiti ključne reforme našeg pravosudnog sistema. Aneks II. Zaključuje se na osnovu već ratificiranog sporazuma između BiH i Kraljevine Norveške o finansijskoj pomoći u korist pravosuđa i/ili sudova i tužilaštava u Bosni i Hercegovini, potpisanog 19.6. 2007. U međuvremenu je na osnovu ovog sporazuma ugrađen i Aneks I. koji iznos od 580 hiljada eura predviđenih sporazumom povećava na milion eura. Aneksom II. Kraljevina Norveška povećava iznos na 2 miliona i 530 hiljada eura i tu je riječ o nastavku pružanja finansijske pomoći pravosudnom sistemu Bosne i Hercegovine.

Nije bilo rasprave i članovi Komisije su, sa šest glasova „za“ i jednim „suzdržanim“, dali pozitivno mišljenje Predstavničkom domu u vezi s ratifikacijom Aneksa II. ovog sporazuma.

**Ad. 2. d) Davanje mišljenja o saglasnosti za ratificiranje Evropske konvencije o obavještenjima o stranom pravu s Dodatnim protokolom**

Nikola Sladoje iz Ministarstva pravde BiH kazao je da je ovo jedna od konvencija iz oblasti pružanja međunarodne pravne pomoći i ona će upotpuniti odnose s državama gdje nema bilateralnog ugovora.

Nije bilo rasprave. Članovi Komisije jednoglasno su dali pozitivno mišljenje Predstavničkom domu u vezi s ratifikacijom ove konvencije.

**Ad. 2. e) Davanje mišljenja o saglasnosti za ratificiranje Dodatnog protokola uz Krivičnopravnu konvenciju protiv korupcije (ETS 191) – Strazbur, 15. 5. 2003.**

Nikola Sladoje iz Ministarstva pravde BiH kazao je da se ovdje radi samo o malim izmjenama kojima se konvencija ovim protokolom proširuje na određeni krug lica. To su u suštini sudski povratnici. Kompletan postupak i sve ostale odredbe ostaju isti.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog protokola.

**Ad. 2. f) Davanje mišljenja o saglasnosti za ratificiranje Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala**

S obzirom da izvjestilac za ovaj sporazum iz Ministarstva sigurnosti BiH nije došao na sjednicu Komisije, ova tačka skinuta je s dnevnog reda sjednice Komisije.

**Ad. 2. g) Davanje mišljenja o saglasnosti za ratificiranje Protokola između Ministarstva sigurnosti BiH i Ministarstva unutrašnjih poslova Republike Srbije o provođenju zajedničkih patrola uz zajedničku državnu granicu**

Ermin Pešto iz Ministarstva sigurnosti BiH kazao je da je ovaj protokol pripremljen na osnovu Konvencije o policijskoj saradnji u jugoistočnoj Evropi. Radi se o uobičajenom protokolu koji je već potpisan s Hrvatskom i Crnom Gorom. Pregovarački timovi formirani su u skladu sa zakonom o zaključivanju međunarodnih ugovora. Protokolom se definira uspostavljanje i provođenje zajedničkih patrola uz zajedničku državnu granicu, zatim područja djelovanja zajedničkih patrola gdje se kaže da one djeluju do 10 kilometara od granične linije prema unutrašnjosti državne teritorije, kao i sve ostale pojedinosti.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog protokola.

**Ad. 2. h) Davanje mišljenja o saglasnosti za ratificiranje Protokola između Ministarstva sigurnosti BiH i Ministarstva unutrašnjih poslova Republike Srbije o održavanju redovnih sastanaka predstavnika graničnih policija na državnom, regionalnom i lokalnom nivou**

Ermin Pešto iz Ministarstva sigurnosti BiH kazao je da je ovaj protokol vezan za član 34. Konvencije o policijskoj saradnji u jugoistočnoj Evropi. Protokolom je predviđeno da se jednom godišnje organiziraju sastanci na državnom nivou te propisano koja će pitanja na tim sastancima biti razmatrana. Na svakom sastanku, od državnog do lokalnog nivoa, bit će obrađivane određene teme u zavisnosti od nivoa rukovodnog kadra koji će im prisustvovati.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog protokola.

**Ad. 2. i) Davanje mišljenja o saglasnosti za ratificiranje Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima**

I za ovaj sporazum izvjestilac je bio Ermin Pešto iz Ministarstva sigurnosti BiH. On je kazao da je sličan sporazum potpisan s Republikom Hrvatskom, da je tendencija i evropski standard da se ima što više zajedničkih lokacija na kojima će se obavljati granične provjere i granične kontrole. U tekstu Sporazuma predviđena su pitanja koja se odnose na određivanje službenih mjesta na kojima će se obavljati granične provjere i kontrole. Primjena ovog sporazuma trebalo bi da omogući efikasniju i bržu graničnu kontrolu na zajedničkim graničnim prijelazima i da unaprijedi saradnju u oblasti sigurnosti.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog protokola.

**Ad. 3. Izvještaji i materijali pristigli na Komisiju:**

- **Zabilješka sa sastanka Komisije za vanjske poslove Predstavničkog doma PSBiH i članova delegacije PSBiH pri Vijeću Evrope sa Zdenkom Martinovićem, novoimenovanim ambasadorom i šefom Misije u Vijeću Evrope u Strazburu, održanog 13.5. 2009.;**
- **Rezolucija o evropskoj savjesti i totalitarizmu (materijal MVP-a, za informaciju);**
- **Izvještaj o učešću delegacije Parlamentarne skupštine BiH na proslavi 60. godišnjice NATO-a;**
- **Konferencija zemalja članica – potpisnica Jadranske povelje (materijal MVP-a, za informaciju);**
- **Prijedlog stalne delegacije Parlamentarne skupštine BiH u Parlamentarnoj skupštini Mediterana – za informaciju;**
- **Izvještaj o posjeti delegacije Parlamentarne skupštine BiH Parlamentu Islamske Republike Iran;**
- **Izvještaj s drugog dijela redovnog zasjedanja Parlamentarne skupštine Vijeća Evrope za 2009. godinu, Strazbur, od 27.4. do 30. 4. 2009.;**
- **Izvještaj sa VII. Konferencije predsjednika parlamenata učesnika Jadransko-jonske inicijative, održane u Atini, od 3.5. do 5. 5. 2009.**

Vezano za Prijedlog Stalne delegacije Parlamentarne skupštine BiH u Parlamentarnoj skupštini Mediterana, Milica Marković pitala je da li je utvrđen novi prijedlog ili je još uvijek aktuelan stari prijedlog.

Milorad Živković kazao je da je Zajednički Kolegij utvrdio prijedlog po kojem su dva člana delegacije iz Predstavničkog doma, a jedan iz Doma naroda i svi pripadaju poziciji ali da su na to iznesene zamjerke te da će se o tome još razgovarati na narednoj sjednici Kolegija.

Članovi Komisije primili su k znanju ostale informacije i izvještaje.

Sjednica je završena u 12,30 sati.

Zapisnik sačinio:

Miroslav Stanišić, stručni saradnik u Komisiji za vanjske poslove.

Sekretar Komisije

Merdžana Iglica

Predsjedavajući Komisije

Slavko Matić

Kopija MVP-u BiH